





PL  
2693  
H8  
1733  
V. 4














耶。蓋言你抹我。你  
不應抹我也。

本云先生少坐待老僧同小娘子到佛  
殿上一看便來張生云小生便同行何  
如本云使得張生云着小娘子先行我  
靠後些

快活三崔家女艷粧莫不演撒上老潔郎  
既不是賤趁放毫光爲甚打扮着特來晃  
朝天子曲廊洞房你好事從天降異樣鬼  
弄神工

右第十二節張生靈心慧眼早窺阿  
紅從那人邊來便欲深問之而無奈  
身爲生客未好與人閨問因而眉頭  
一皺計上心來忽作醜語抵突長老  
使長老發極然後輕輕轉出下文云  
然則何爲不使兒郎而使梅香便問  
得不覺不知此所謂明攻棧道暗渡



陳倉之法也。儻父又不知以爲張生  
忽作風話。斷山云：怪哉！聖歎其眼至  
此我疑此書便是聖歎自  
製。

本發怒云：先生好模好樣，說那里話。張  
生云：你須怪不得我說。

好模好樣，忒莽戇，煩惱耶。唐三藏妙句便  
天下禪和，偌大個宅堂，豈沒個兒郎要梅香  
來說勾當。一片閒心，火熱熱地，正要問你。

在我行口強你硬着頭皮上。言欲於其腦  
栗暴蓋定欲其。袋上鑿一百  
告我真話也。

右第十三節二節真乃希世奇文聖  
歎不惟今生做不出。雖他生猶做不  
出。

本云這是崔相國小姐孝心與他父親  
亡過老相國追薦做好事一點志誠不  
遣別人特遣自己貼身的侍妾紅娘來

問。日期。本對紅娘云。這齋供道場都完  
借了。十五日。是佛受供日。請老夫人小  
姐拈香。張生哭云。哀哀父母。生我劬勞。  
欲報深恩。昊天罔極。小姐是一女子。尚  
思報本。望和尚慈悲。小生亦備錢五千。  
怎生帶得一分兒齋。追薦我父母。以盡  
人子之心。便夫人知道。料也不妨。本云  
不妨。法聰與先生帶一分齋者。張生私

問聰云。那小姐是必來麼。聰云。小姐是他父親的事。如何不來。張生喜云。這五千錢使得着也。

斗然借廂。斗然牴突長老。斗然哭後。又斗然推更衣。先出去寫張生通身靈變。通身滑脫。讀之如於普救寺中親看此小後生。

四邊靜。人間天上。看鶯鶯。強如做道場。軟。



玉溫香休言偎傍若能殼湯他一湯蚤與人消災障南無消災障菩薩摩訶薩。絕世奇文。

右第十四節又恐世間善男信女及道學先生讀至此處謂張生真要薦親故用正文說明之

本云都到方丈喫茶張生云小生更衣咱張生先出云那小娘子一定出來也我只在這裡等候他者紅娘辭本云我

不喫茶了。恐夫人怪遲。我回話去也。紅  
出。張生迎揖云。小娘子拜揖。紅云。先生  
萬福。張生云。小娘子莫非鶯鶯小姐的  
侍妾。紅娘乎。紅云。我便是。何勞動。問張  
生云。小生有句話。敢說麼。紅云。言出如  
箭。不可亂發。一入人耳。有力難拔。有話  
但說。不妨。張生云。小生姓張。名珙。字君  
瑞。本貫西洛人氏。年方二十三歲。正月

十七日子時建生並不曾娶妻奇文紅  
云誰問你來我又不是算命先生要你  
那生年月日何用奇文張生云再問紅  
娘小姐常出來麼紅怒云出來便怎麼  
妙先生是讀書君子道不得個非禮勿  
言非禮勿動俺老夫人治家嚴肅凜若  
冰霜卽三尺童子非奉呼喚不敢輒入  
中堂先生絕無瓜葛何得如此早是妾

前可以容恕若夫人知道豈便干休今  
後當問的便問不當問的休得胡問紅  
娘下

張生良久良久云這相思索是害殺我  
也

哨遍聽說罷心懷悵快把一天愁都撮在  
眉尖上說夫人節操凜冰霜不名呼不可  
輒入中堂自思量假如你心中畏懼老母



威嚴。你。不。合。臨。去。也。回。頭。望。

右第十五節寫張生被紅娘切責一時脚插不進頭鑽不入無搔無爬不上不落於是不怨自己不怨紅娘忽然反怨鶯鶯真是魂神顛倒之筆

待。闕。下。

承上文紅娘切責救無路矣定應如此措心定應如此措筆也

右第十六節忽然作此一縱筆如驚鷹撒去然只是三字下便疾收轉來

世間有如此神儁之筆

若非真賜下豈非世間第一

有力丈夫抑若真賜至豈非世間終

身不長進活死人哉座間忽一客云

若真賜下西廂記便止

於此矣聖歎不覺大笑

教人怎賜赤緊的深沾了肺腑牢染在肝

腸若今生你不是並頭蓮難道前世我燒

了斷頭香用雨頭字起色便我定要手掌

兒上奇擎心坎兒上溫存眼皮兒上供養

右第十七節寫其一片志誠雖死不

變也如此

耍孩兒只開巫山遠隔如天樣難說罷又

在巫山那廂

唐詩云平蕪盡處是青山行人在青山人更在青山外此明其向法

我這業身雖是立迴廊魂靈兒實在他行  
莫不他安排心事正要傳幽客也只怕是  
漏洩春光與乃堂春心蕩他見黃鶯作對  
粉蝶成雙

春心之蕩乃硬派之取奇文奇情

右第十八節將深怨紅娘而先硬差

官派小姐春心之必蕩以見已頃間  
之纖無差悞而甚矣紅娘之謬也

五煞紅娘你自年紀小性氣剛張郎倘去  
相偎傍他遭逢一見何郎粉我邂逅偷將  
韓壽香風流況成就我溫存嬌媚管甚麼  
拘束親娘

右第十九節望紅娘肯通一線則有  
如是之美滿也



四煞紅娘你忒慮過空算長則才文  
相仿定要到眉兒淺淺思張敬春色  
憶阮郎非誇獎他正德言工貌小生正恭  
儉溫良

二節反覆言之以盡其事也

右第二十節調紅娘不通一線則有  
如是之懊悔也

三煞紅娘他眉兒是淺淺描他臉兒是淡  
淡粧他粉香膩玉搓咽項下邊是翠裙鴛

第。六。才。子。事。續。金。蓮。小。上。邊。是。紅。袖。驚。銷。玉。笋。長。不。想。  
呵。其。實。強。你。也。掉。下。半。天。風。韻。我。也。虧。去。  
萬。種。思。量。絕。世。奇。談。自。欲。不。思。量。乃。先。欲。  
嗜。齋。者。人。或。戒。之。遂。發。願。云。我。有。大。願。願。  
我。來。世。壽。亦。不。生。我。亦。不。食。補。侍。以。為。奇。  
談。豈。知。是。西。廂。記。  
妙。文。被。他。抄。去。

右第二十一節又作奇筆一縱欲不思量也

却忘了辭長老張生轉身見本云小生

敢問長老。居舍何如。本云。塔院西廂。有一間房。甚是瀟灑。正可先生安下。隨先生早晚來。張生云。小生便回店中。搬行李來。本云。先生是必來者。法本下。

張生云。搬則搬來。怎麼捱這凄凉也。呵。二。簷紅娘。我。院宇深。枕簟涼。一燈孤影。搖書幌。縱然酬得今生志。着甚支吾。此夜長。睡不着。如翻掌。少呵。有一萬聲長吁短歎。

第五。于遍。楊枕。搥床。

右第二十二節至此節方寫相思害殺我也之正文

尾聲嬌羞花解語溫柔玉有香乍相逢記  
不真嬌模樣儘無眠手抵着牙兒慢慢地  
想

右第二十三節輕飄一線遞過下節  
人謂其不復結上豈悟其早已襯後



耶。益信前者  
之爲瞥見。

一之三

曼殊室利菩薩好論極微。昔者聖歎  
聞之而甚樂焉。夫娑婆世界大至無  
量由延。而其故乃起於極微。以至娑  
婆世界中間之一切所有。其故無不  
一一起於極微。此其事甚大。非今所  
得論。今者止借菩薩極微之一言以

觀行文之人之心。今夫清秋傍晚。天  
澄地徹。輕雲鱗鱗。其和若縠。此真天  
下之至妙也。野鴨成羣。空飛。漁者羅  
而致之。觀其腹毛。作淺墨色。鱗鱗然  
猶如天雲。其細若縠。此又天下之至  
妙也。草木之花。於跗萼中展而成瓣。  
苟以閒心諦視其辨。則自根至末。光  
色不定。此一天下之至妙也。燈火之

啖。自下達上。其近穗也。乃作淡碧色。  
稍上作淡白色。又上作淡赤色。又上  
作乾紅色。後乃作黑烟噴若細沫。此  
一天下之至妙也。今世人之心。豈高  
橫濶。不計道理。浩浩蕩蕩。不辨牛馬。  
設復有人。語以此事。則且開胸大笑。  
以爲人生一世。貴是衣食豐盈。其何  
暇費爾許心計哉。不知此固非不必。

費之間心計也。秋雲之鱗鱗其細若  
穀者。穀以有無相間成文。今此鱗鱗  
之間。則僅是有無相間而已也。即人  
自下望之。去雲不知幾千百里。則見  
其鱗鱗者。其間不必曾至於寸。若果  
就雲量之。誠未知其爲尋爲丈者也。  
今試思以爲尋爲丈之相去而僅曰  
有無相間焉而已。則我自下望之其

爲妙也。決不能以至是。今自下望之。而其妙至是。此其一鱗之與一鱗。其間則有無限層折。如相委焉。如相屬焉。所謂極微。於是乎存。不可以不察也。天雲之鱗鱗。其去也尋丈。故於中間有多層折。此猶不足論也。若夫野鴨腹毛之鱗鱗。其相去乃至爲逼迤。不啻如粟米焉也。今試觀其輕妙若



第

六 林子書

淵

譚

穀爲是。至於有無相間而已也。耶。如  
誠止於有無相間焉而已。則我試取  
纖筆染彼淡墨。縷縷畫之。胡爲三尺  
童子猶大笑以爲甚不似也。則誠不  
得離朱其人。諦審熟觀焉耳。誠諦審  
而熟觀之。此其中間之層折如相妥  
焉如相屬焉。必也一鱗之與一鱗。真  
亦如有尋丈之相去。所謂極微者。此

不可以不察也。草木之花於跗萼中  
展而成瓣。人曰：「凡若干瓣。」斯一花矣。  
人固不知昨日者。殊未有斯花也。更  
昨日焉。乃至殊未有此萼與跗也。於  
無跗無萼無花之中。而歛然有跗。而  
歛然有萼。而歛然有花。此有極微於  
其中間。如人徐行。漸漸至遠。然則一  
瓣雖微。其自瓣根行而至於瓣末。其

起此盡彼。筋轉脉搖。朝淺暮深。粉穠  
香老人自視之一辨之大如指頭耳。  
自花計焉。烏知其道里。不且有越陌  
度阡之遠也。人自視之初開至今如  
駒眼耳。自花計焉。烏知其壽命。不且  
有累生積劫之久也。此亦極微不可  
以不察也。燈火之燄也。淡淡焉。此不  
知於世間五色爲何色也。吾嘗相其

自穗而上訖於烟盡由淡碧入淡白  
此如之何其相際也又由淡白入淡  
赤此如之何其相際也又由淡赤入  
乾紅由乾紅入黑烟此如之何其相  
際也必有極微於其中間分焉而得  
分又徐徐分焉而使人不得分此一  
又不可以不察也人誠推此心也以  
往則操筆而書鄉黨醜壺漿之一辭



必有文也。書人婦姑勃谿之一聲。必有文也。書塗之人一揖遂別。必有文也。何也。其間皆有極微。他人以麤心處之。則無如何。因遂廢然以閣筆耳。我既適向曼殊室利菩薩大智門下。學得此法矣。是雖於路旁拾取蔗滓。尚將涓涓焉壓得其漿。滿於一石。彼天下更有何逼近題。能縛我腕。使不

動也哉讀西廂記至借廂後關齋前

酬韻之一章不覺深感於菩薩詩

願普天下錦繡才子皆細細讀之

借廂一章凡張生所欲說者皆已說盡下文關齋一章凡張生所未說者至此後方纔得說今忽將於知是一中間寫隔牆酬韻亦必欲洋洋自爲一章期其筆筆墨墨真乃雖有巧媳不聯詩是夜則爲何二人悉在月中露下因憑空造出每夜燒香一段事而於看燒香上生情布景別出異樣花樣粗心人不解此苦讀之只謂又是

一通好曲殊不知一字一句一韻都從一季米中剝出來也

鶯鶯上云母親使紅娘問長老修齋日期去了多時不見來回話紅娘上云回夫人話了去回小姐話去鶯鶯云使你問長老幾時做好事紅云恰回夫人話也正待回小姐話二月十五佛什麼供日請夫人小姐拈香紅笑云小姐我對你說一件好笑的事喏前日庭院前瞥

見的秀才今日也在方丈裏坐地他先  
出門外等着紅娘深深唱喏道小娘子  
莫非鶯鶯小姐侍妾紅娘乎又道小生  
姓張名珙字君瑞本貫西洛人氏年方  
二十三歲正月十七日子時建生並不  
曾娶妻鶯鶯云誰着你去問他妙筆幾  
乎屈殺  
紅娘云却是誰問他來本是一氣連下  
中間畧作間隔  
以為他還呼着小姐名字說常出來麼  
波批



第六才子書

聊齋誌異

卷五

被紅娘一頓搶白。回來。鶯鶯云。你不  
捨白他也罷。紅云。小姐。我不知他想甚  
麼哩。世間有這等傻角。我不捨白他。鶯  
鶯云。你曾告夫人知道也。不。紅云。我不  
曾告夫人知道。鶯鶯云。你已後不告夫  
人知道罷。一路如憐不憐。如置不  
置。有意無意。寫來恰妙。天色  
晚也。安排香案。階花園裏燒香去。來。正  
是無端奉已。關心事。閒倚熏籠待月華。

鶯鶯紅娘下

張生上云、搬至寺中、正得西廂居住、我  
問和尚、知道小姐、每夜花園內燒香、恰  
好花園便是隔牆、比及小姐出來、我先  
在太湖石畔、牆角兒頭、等他飽看他一  
回、却不是好、且喜夜深人靜、月朗風清、  
是好天氣也、呵、閒尋方丈、高僧坐悶、對  
西廂皓月吟、

第六才子書

卷

越調鬪鶯鶯張生唱玉宇無塵銀河寫影  
月色橫空花陰滿庭四句妙月羅袂生寒芳心  
自警二句妙人上四句亦非妙月下二  
急度刻如生句亦非妙人六句總是張生等人性  
一片妙心

右第一節。禪門寶鏡三昧有銀碗  
盛雪明月藏鷺之二言。吾便欲移以  
讚此以下三節文。張生聞雙文每  
夜燒香正在隔牆。又有太湖石可以

墊脚此那能忍而不看。那能忍而不  
急看耶。此真日未西。便望日落。日乍  
落。便望月昇。那能月明如是。猶尚不  
到牆角耶。若雙文則殊不然。或晚粧  
或添衣。或侍坐夫人。或殘針未了。皆  
可以遲遲吾行。而至於黃昏。而至於  
初更。正不必着甚死急。亦復匆匆早  
至也。然張生則心急如火。刻不可待。



窮思極算。忽然算到夜深。其袂必寒。袂寒其心必動。心動則必悟。燒香大遲。不可不急去矣。此謂之芳心自警也。看他寫一片等人性急。度刻如年。真乃手搦妙筆。心存妙境。身代妙人。天賜妙想。既有此文。以後尚不望人看得安望。未有此文以前。乃曾有人想得耶。

側着耳朵兒聽躡着脚步兒行悄悄冥冥  
潛潛等等紫花兒序等我那齊齊整整嫵  
嫵婷婷姐如鶯鶯人愛殺是嫵嫵婷婷我  
愛殺是齊齊整整夫齊  
齊整整者于  
金小姐也

右第二節上是等之第一層此是等  
之第二層也質言之止是等鶯鶯三  
字却因鶯鶯是疊字便連用十數疊  
字倒觀於上纍纍然如線貫珠垂看

他妙文止是隨手拈得也

一更之後萬籟無聲

不文人讀之謂是寫景文人讀之悟是寫

情蓋一更之後猶言一更後了萬籟無聲猶言不聽兒開角門聲也可想我便

直至鶯庭到迴廊下沒揣的見你那可情

定要我緊緊搜定問你個會少離多有影

無形

恨其遲來故說之非真有其事亦非真欲爲其事只是恨恨之辭

右第三節等之第三層也言一更之

後矣猶萬籟無聲既已如此便大家

無禮我亦更不等也我竟過來也心  
忙意促見神搗鬼文章寫到如此田  
地真乃錐心取血補接化工

鶯鶯上云紅娘開了角門將香案出去  
者

金蕉葉猛聽得角門兒呀的一聲猛聽得

聽中忽然聽得也自初夜至此專心靜聽  
杳不聽得因而心斷意絕反不復聽矣則  
忽然呀的聽得風過處衣香細生角門開  
謂之猛聽得也

第六十回

卷四

第六十二回

寫出鶯鶯且更向暗中又空寫一句吾適  
言天雲之鱗鱗其間則有委委屬屬正謂  
此等筆法也。第一句鶯鶯在聲音中出  
現第二句鶯鶯在衣香中出現下第三四  
句鶯鶯方向現。踞着脚尖兒仔細定睛比那  
月明中出現。調笑令我今夜雨能。  
初見時。離兒越整。調笑令我今夜雨能。  
只此兩字二字便是張生親口供云前曾  
見未的其文極明而詹父必云前張鶯四  
目互顧。見娉婷。便是月殿嫦娥不恁般撐。  
在月下因便借月夫人  
比之文只是隨手拈得

右第四節寫張生第二次見鶯鶯與



前春院瞥見與後附齋再見俱宜仔細相其淺深恰妙之法我嘗謂吾子弟凡一題到手必有一題之難動手處但相得其難動手在何處便是易動手之秘訣也時賢於一切題只是容易動手便更動手不得

料想春嬌厭拘束等閒飛出廣寒宮作句  
容分一臉體露半襟彈長袖以無言垂

湘裙而不動似湘陵妃子斜偎舜廟朱  
扉如洛水神人欲入陳王麗賦是好女  
子也呵。

遮遮掩掩穿芳徑料應他小腳兒難行行  
近前來百媚生兀的不引了人魂靈。

右第五節小腳難行非寫蚤便憐惜  
之也是寫漸漸行近來也上第四節  
只是出角門此第五節方是來至牆

邊

鶯鶯云、將香來、張生云、我聽小姐祝告、甚麼、鶯鶯云、此一炷香、願亡過父親、早生天界、此一炷香、願中堂老母百年長壽、此一炷香、鶯鶯良久不語、科、紅云、小姐爲何、此一炷香、每夜無語、紅娘替小姐禱告、咱願配得姐夫、冠世才學、狀元及第、風流人物、溫柔性格、與小姐百年。

成對波鶯鶯添香拜科心間無限傷心事盡在深深一拜中長吁科張生云小姐你心中如何有此倚欄長歎也好

小桃紅夜深香靄散空庭簾幙東風靜作

文必須一篇之中並無一句一字是雜湊

入來即如此簾幕東風靜之五字是言是

夜無風便留得香烟與下人氣作氤氲所

謂有時寫風是風有時寫風是無風真正

不是雜湊一拜罷也斜將曲欄凭長吁了

句人來也

兩三聲上是寫香烟團團明月如圓鏡

此是寫人氣

更承上文斗接此又不可見輕雲薄霧都只  
自明筆明其透脫不見輕雲薄霧都只  
是香烟人氣兩般兒氤氲得不分明曾見海外  
奇器名曰鬼工此等文亦真是鬼工

右第六節不過雙文長歎若不寫則  
下文不可斗然吟詩耳乃並不於雙  
文歎上寫亦不於雙文心中寫却向  
明月上看他陪一香烟便寫得雙文  
一歎如許濃至絕世奇文絕世妙文



小生仔細想來小姐此歎必有所感我  
雖不及司馬相如小姐你莫非倒是一  
位文君小生試高吟一絕看他說甚的

吟詩必如此寫  
來方不唐突

月。色。溶。溶。夜。花。陰。寂。寂。春。如。何。臨。皓。魄。

不。見。月。中。人。  
真是好詩

鶯鶯云有人在牆角吟詩紅云這聲音  
便是那二十三歲不曾娶妻的那俊角

文凡二見鶯鶯云好清新之詩紅娘

我依韻和一首紅云小姐試和一首紅

娘聽波鶯鶯吟云

蘭閨深寂寞無計度芳春料得高吟者

應憐長歎人

也真是好詩

張生驚喜云是好應酬得快也呵

禿厮兒早是那臉兒上撲堆着可憎更堪  
那心兒裏埋沒着聰明他把我新詩和得

武應聲一字字訴衷情堪聽聖藥王語句  
又輕音律又清你小名兒真不枉喚做鶯  
鶯

右第七節早是二語寫驚喜意如欲  
於紙上跳動欲證雙文快酬雖千  
言不可盡也輕輕反借雙文小名只  
於筆尖一點早已活靈生現抵過無  
數拖筆墜墨所謂隨手拈得

你○若○其○小○生○廝○覷○定○隔○牆○兒○酬○和○到○天○明○  
妙人痴語 便是惺惺惜惺惺

右第八節雙文此酬真乃意外若使  
略遲一刻張生實將不顧唐突矣今  
反因驟然接得正來不及於是只圖  
再共酬和便已心滿志足更不算到  
別事此真設身處地將一時神理都  
寫出來

我撞過去看小姐怎麼

麻郎兒我拽起羅衫欲行他可陪着笑臉

和迎不做美的紅娘莫淺情你便道謹依

來命後忽聽一聲猛驚關角門聲也

紅云小姐喏家去來怕夫人嗔責鶯鶯

紅娘關角門下

右第九節上寫因驟然故不及此寫

畧遲却算出來也乃張生畧遲鶯鶯



蚤疾一邊尚在徘徊一邊撒然已颺  
寫一遲一疾之間恰好驚鴻雪爪有  
影無痕真妙絕無比

撲刺刺宿鳥飛騰顫巍巍花梢弄影亂紛  
紛落紅滿徑絡絲娘碧澄澄蒼苔露冷明  
皎皎花篩月影

右第十節凡下宿鳥花梢落紅蒼苔  
花影無數字却是妙手空空蓋一二

第六才子書

酬韻

注

三句只是一句四五句亦只是一句

一二三句只是一句者因鳥飛故花

動因花動故紅落第三句便是第二

句第二句便是第一句也蓋因雙文

去故鳥飛而花動而紅落也而偏不

明寫雙文去也四五句亦只是一句

者一片蒼苔但見花影第四句只是

第五句也蓋因不見雙文故見花影

也。而偏不明寫不見雙文也。一二三句是雙文去。四五句是雙文去矣。看他必用如此筆。真使喫烟火人何處着想。

白日相思枉耽病。今夜我去把相思投正。  
東原樂簾垂下戶。已。局。我。試。悄悄。相。問。你。  
便。低。低。應。月。朗。風。清。恰。二。更。斷。溪。倖。  
又見神  
鬼。妙。如。今。是。你。無。緣。小。生。薄。命。

第六才子書

第六才子書

右第十一節來時怨其來遲因欲直至鶯庭去時恨其去疾又向垂簾悄問身軀不知幾何弱魂真欲先離矣

未求之前已去之後兩作見神搗鬼之筆以為章法

綿搭絮恰尋歸路佇立空庭竹梢風擺斗

柄雲橫呀今夜淒涼有四星他不飲人待

怎生何須眉眼傳情你不言我已省二句

者張生歸到西廂也竹梢二句者歸又不

之五思歸也四星者都過頭人每至一而

之所思得也四星者遠不人每至一片貝  
用五星獨至稍盡一片乃用四星四星之  
爲言下稍也甚言雙  
文快酬非本所望

右第十二節筆態七曲八曲煞是寫  
絕記得聖歎幼年初讀西廂時見他  
不飲人待怎生之七字悄然廢書而  
臥者三四日此真活人於此可死死  
人於此可活悟人於此又迷迷人於  
此又悟者也不知此日聖歎是死是



活是迷是悟總之悄然一臥至三四  
日不茶不飯不言不語如石沉海如  
火滅盡者皆此七字勾魂攝魄之氣  
力也先師徐叔良先生見而驚問聖  
歎當時恃愛不諱便直告之先師不  
惟不嗔乃反歎曰孺子異日真是世  
間讀書種子此又不知先師是何道  
理也。看何須眉眼傳情之六字想

作西廂記人其胸中矜貴如此。其  
文之不合則止是酬詩一節耳。自起  
至此其於張生真乃天下男子全不  
與其事也。直至開齋已後始入眼關  
心耳。天下才子必能同辨。自今以往  
慎毋教諸忤奴於紅氍毹上做盡醜  
態。唐突古今佳人才子哉。

只是今夜甚麼睡魔到得我眼裏呵

把魯速碧熒熒是短檠燈冷冷清清是舊闌  
屏燈兒是不明夢兒是不成淅淅冷冷是風  
透疎櫺忒楞楞是紙條兒鳴枕頭是孤兒  
被窩是寂靜便是鐵石人不動情後也坐  
不成睡不能亦是奇語

右第十三節至此始放筆正寫苦况  
也讀之覺其一片迷離一片悲涼蓋  
爲數是字下得如簷前雨滴聲便搖

動人魂魄也

有一日柳遮花映霧幃雲屏夜闌人靜海  
誓山盟風流嘉慶錦片前程美滿恩情啗  
兩個畫堂春自生

右第十四節上已五寫苦况則一篇  
文字已畢然白嫌筆勢直塌下來因  
更掉起此一節謂之龍王掉尾法文  
家最重是此法

第六才子書 酬韻

尾我一天好事今宵定兩首詩分明互證  
再不要青瑣闥夢兒中尋只索去碧桃花  
樹兒下等猶言取之如寄矣并相思亦可以不必要矣

右第十五節躊躇滿志有此快文想  
見其提筆時通身本事閣筆時通身  
快樂

二之四

吾友譚山先生嘗謂吾言匡廬真天



下之奇也。汀行連口初不在意。忽於精空中劈插翠嶂。平分其中。倒挂足練舟人。驚告此卽所謂廬山也。者而殊未得至廬山也。更行兩日而漸乃不見。則反已至廬山矣。吾聞而甚樂之。便欲往看之。而遷延未得也。蓋貧無行資一也。苦到彼中無東道主人二也。又賤性懶散。畧閒坐便復是。

一年三也。然中心則殊無一日曾置不念。以至夜必形諸夢寐。常不一日。二日必夢見江行如駛。仰觀青芙蓉上插空中。一一如斷山言。寤而自覺。遍身皆暢然焉。後適有人自西江來。把袖急叩之。則曰。無有是也。吾怒曰。儉固不解也。後又有人自西江來。又把袖急叩之。又曰。無有是也。吾又怒。

曰此又一僮也。旣而人苟自西江來  
皆叩之。則言然不然各半焉。吾疑復  
問。斷山斷山。啞然失笑。言吾亦未嘗  
親見。昔者多有人自西江來。或言如  
是云。或亦言不如是云。然吾於言如  
是者。卽信之。言不如是者。置不足道  
焉。何則。夫使廬山而誠如是。則是吾  
之信其人之言爲真。不虛也。設苟廬

山而不如是則是天地之過也誠以  
天地之大力天地之大慧天地之大  
學問天地之大遊戲卽亦何難設此  
一奇以樂我後人而顧吝不出此乎  
哉吾聞而又樂之中心忻忻直至於  
今不惟夜必夢之蓋日亦往往遇之  
何謂日亦往往遇之吾於讀左傳往  
往遇之吾於讀孟子往往遇之吾於

讀史記漢書往往遇之吾今於讀西  
廂亦往往遇之何謂於讀西廂亦往  
往遇之如此篇之初新水令之第一  
句云楚王宮殿月輪高不過七字也  
然吾以爲真乃江行初不在意也真  
乃晴空劈插奇翠也真乃殊未至於  
廬山也真乃至廬山卽反不見也真  
大力也真大慧也真大遊戲也真大



學問也。蓋吾友鄒山之所教也。吾此生亦已不必真至西江也。吾此生雖終亦不到西江。而吾之熟觀廬山亦既厭也。廬山真天下之奇也。其所以奇絕之

故詳後

批中

蓋至是而張生已三見鶯鶯矣。然而春院乃瞥見也。瞥見則未成乎其爲見也。牆角乃遙見也。遙見則亦未成

乎其爲見也。夫兩見而皆未成乎。其  
爲見。然則至是而張生爲始見鶯鶯  
矣。是故作者於此。其用筆皆必致慎  
焉。其瞥見之文。則曰。儘人調戲。將花  
笑拈。呢。率院離恨天。這里遇。礼仙都  
作天女。三時。忽然一現之辭。其遙見  
之文。則曰。遮遮掩掩。小脚難行。行近  
前來。我甫能見。嬌嬌真是百媚主都。

作前殿夫人是耶何遲之辭若至是  
則始親見矣快見矣飽見矣竟一日  
夜見矣故其文曰檀口點櫻枕粉鼻  
倚瓊瑤淡白梨花面輕盈楊柳腰滿  
面堆着俏一團衡是嬌方作清水觀  
魚數鱗數鬣之辭人或不解者謂此  
是實寫夫彼真不悟從來妙文決無  
實寫一法夫實寫乃是堆土壑子雖

鄉里人猶過而不顧者也

忽然巧借大師班首行者沙彌皆顛  
倒於鶯鶯以極襯千金驚艷固是行  
文必然之事然今日正值佛末法日  
一切比丘惡乃不啻自非龜鱉蛇蟲  
亦宜稍稍禁戢清靜閤閣莫入彼中  
蓋邇來惡比丘之淫毒真不止於燭  
滅香消而已彼龜鱉蛇蟲乃方合掌

第六才子書

閻客

四

云阿彌陀佛罪過渠是真正千二百  
五十人善知識吾妻吾媳吾女方將  
傾箱倒篋作場盡布施而爲供養事  
非小可汝勿步拔舌地獄業也嗟乎  
今天不<sub>圖</sub>驚蛇蟲之愚而好與人用  
如是哉亦大可哀也已

張生上云今日二月十五日和尚請拈  
香須索走一遭

如此閒事溫習經史  
人何必去哉一笑

雲



晴雨濕天花。飀海湧風翻。具葉輕。

雙調新水令張生唱楚王宮殿。羽輪高。如

落筆。真是奇絕。幾幾。吳天上帝。能想至此。

世間第二第三輩。便已無處追捕也。記聖

歎幼時初讀西廂驚觀此七字。曾焚香拜

伏于地。不敢起立焉。普天下錦繡才子

二十八宿在其胸中。試掩卷思此七字。是

何神理。不妨遲至一日一夜。以為快樂焉。

碧琉璃瑞烟籠翠。又加此七字。一

句使上句失矣。

右第一節寫張生用五千錢看鶯鶯

心急如火。不能待至明日。真乃天遣

第六才子書

開齋

五

風雲作君骨，世人不復知其故。蓋月之行天，凡三十夜，逐夜漸漸自西而東。故初之十夜，卽初昏已斜；廿之十夜，必更闌乃上，獨於十四五六望之三夜，乃正與日之行天起沒相等。今修齋本是十五日，則必待十四夜之月落盡，衆僧方可開殿起建，卽甚虔誠，亦必待月已斜，乃至更極虔誠半。

夜斯起亦必待月正中然而已嫌其  
太早也今張生親口唱云月輪高則  
是從東而起初過殿鴟殆還是十四  
日之初更未盡也已又唱云碧琉璃  
瑞烟籠罩可見殿橋正閉悄無所覩  
徬徨露下遙夜如年但見瓦上烟光  
迷漫本意欲看鶯鶯托之乎云看道  
場今且獨自一人先看月也看琉璃

瓦也真絕倒吾普天下才子

鄞山云聖歎腸

肚如何生

法本引僧衆上云今日是二月十五釋迦牟尼佛入大涅槃日純陀長者與文殊菩薩修齋供佛若是善男信女今日做好事必獲大福利張先生早已在也大衆動法器者待天明了請天人小姐拈香

行香雲蓋結。諷咒海波潮。幡影飄飄諸檀  
越盡來到。和尚眼中發財解元眼中添刺

右第二節正寫道場也。諸檀越盡來

到則無一人不到矣。而殊不知有三

人未到也。然我亦數之謂是三人耳

實則止有一人未到也。昌黎有云伯樂一過冀北

而其野無馬解之者曰非無馬也無良馬也今云諸檀越盡到無一人到

也非無一人到也此一入到也妙筆



第一才子書卷之四

駐馬聽法鼓金鑊二月春雷響殿角鐘聲

佛號半天風雨灑松梢便如老杜悲涼之作

右第三節此非寫道場也乃寫道場

之震動如此鶯鶯孝女追薦文親而

豈不聞之乎

侯門不許老僧敲寫張生如熟紗窓也沒

有紅娘報如熱熱盛我是饒眼腦見他時

要看個十分飽

右第四節。心急。加人。更。不。能。待。欲。遣。  
一僧。請。之。又。似。於。禮。不。可。因。而。怨。到。  
紅娘。如。此。妙。筆。真。恐。紙。上。有。一。張。生。  
直。走。下。來。

本見張生科。本云。先生先拈香。若夫人

問呵。只說是老僧的親。只圖自家免罪

怎麼張生拈香拜科

沉醉東風。惟願存在的人間壽高。亡過的

第六才子書

卷

天上逍遙我真正爲先靈禮三寶再焚香  
暗中禱告只願紅娘休劣夫人休覺犬兒  
休惡佛囉成就了幽期密約紅娘夫人已  
犬兒一發無禮所謂弱手成趣也  
云於三寶前一切衆生普皆平等猶如一  
子正宜犬兒夫  
人一齊入疏

右第五節附齋正文

夫人引鶯鶯紅娘上云長老請拈香暗  
走一遭

雁兒落我只道玉天仙。雁兒落原來是可。  
意種來清醮。我是個多愁多病身。怎當你。  
傾國傾城貌。不是張生故不須知實有如此神理得盼金你。  
看檀口點櫻桃。粉鼻倚瓊瑤。淡白梨花面。  
輕盈楊柳腰。妖嬈滿面兒。堆着俏苗條。一。  
團兒衡是嬌。

右第六節正寫鶯鶯。世之不知文。  
者謂此是實寫。不知此非實寫也。乃。

是寫張生直至第三遍見鶯鶯方得  
仔細以反襯前之兩遍全不分明也  
或問必欲寫前之兩遍不得分明者  
何也曰鶯鶯千金貴人也非十五左  
右之對門女兒也若一遍便看得仔  
細兩遍便看得仔細豈復成相國小  
姐之體統乎哉。從來文章家無實  
寫之法。吾見文之最實者無如左氏



周鄭交惡傳中澗溪沼沚之毛蘋藻  
蘓藻之菜筐筥錡釜之屬橫行潦  
之水板板四句凡下四四一十六字  
可稱大厭而實則止爲要反挑王子  
狐公子忽兩家具用所愛子弟爲贊  
乃是不必故言不過只採那澗溪沼  
沚中間之毛蘋藻蘓藻尋常之  
菜盛於筐筥錡釜野人之器法以橫

汗行潦不清之水。只要明信無欺。便可薦鬼神而羞王公。四句不意。乃是一句。四句一十六字。不意。乃是一字。正是異樣空靈排宕之筆。然後諦信自古至今無限妙文。必無一字是實。寫此言爲更不誣也。附見。

老僧一句話敬稟夫人。有做親。是上京秀才父母亡後。無可相報。央老僧帶一

秀齋老僧一時應允了恐夫人見責夫  
人云追薦父母有何見責請來相見咱  
張生見夫人畢

喬牌兒天師年紀老高座上也凝眺舉名  
的班首真呆儂將法聰頭做磬敲

右第七節不惟寫國艷一時傾倒大  
衆且益明鶯鶯自入寺停喪以來曾  
未嘗畧露春妍何世之忤奴必云小

姐遊佛殿戲

甜水令。老的少的。村的俏的。沒顛沒倒。勝  
 似開元宵。稔色人兒。可意冤家。怕人知道。  
 看人將淚眼偷瞧。寫女兒心。正不分明。  
 佳耳。照為折桂令。看小生。心癢難撓。

右第八節。老的少的。村的俏的。者。卽  
 諸檀越也。夫鶯鶯不看人。可也。若鶯  
 鶯看人。則獨看張生。可也。今長生則

雖自以爲皎皎然獨出於老的少的  
村的俏的之外而自鶯鶯視之正復  
一例茫茫然並在老的少的村的俏  
的之中此時張生千思萬算不知吾  
鶯鶯珠玉心田中果能另作青眼提  
拔此人別自看待乎抑竟一色抹倒  
乎所謂心麤難撓也然此節亦既伏  
飛虎風聞之根矣



第六十三回

分

哭聲兒似鶯囀喬林淚珠兒似露滴花梢

大師難學把個慈悲臉兒朦着妙文點燭

的頭陀可惱燒香的行者堪焦燭影紅搖

香露雲飄貪看鶯鶯燭滅香消妙文有文

句喝五六句證又橫插三四句於中間作追用筆之妙真乃龍跳虎卧矣

右第九節上節鶯鶯看人也此節人

看鶯鶯也大師難學者言一切大眾

俱應學大師也學其朦着臉兒不看

鶯鶯則始得稱嚴。毘尼舌佛菩薩也。今一切大眾。至於燭滅香消。則其矣。大師之果難學也。聖歎於此。有二語欲告君瑞。其一孔氏之言也。曰有諸已而後求之人。無諸已而後非之人。已所不欲。勿施於人。能近取譬。終身可行。是則君瑞無以自解於諸禿也。其一釋氏之言也。有秀才參趙

州云伏承佛法一切捨施。今某甲就和尚手中欲乞這拄杖。得否。州云。君子不奪人所好。秀云。某甲不是君子。州云。老僧也不是佛。是則諸禿反有以自解於君瑞也。君瑞且奈之乎哉。

一笑

碧玉簫。我情引。冒梢心緒。他知道。他愁種。心苗。情思我猜着。  
忽作我他他我。妮妮爾汝之言。一何扯淡。一何

機。陽。興。臨。響。瑞。瑞。雲。板。敲。行。者。又。豪。少。爾。  
又。哨。你。須。不。奪。人。之。好。鴛。鴦。煞。你。有。心。爭。  
似。無。心。好。我。多。情。蚤。被。無。情。惱。極。勸。諸。人。勿。看。鴛。鴦。  
而。以。已。之。看。而。無。益。證。之。欺。三。歲。小。兒。哉。真。爲。化。工。之。極。管。

右第十節承上一節鴛鴦看人一節  
人看鴛鴦而急接之以我他他我  
媿爾汝之聲以深明已與鴛鴦四目  
二心方是東日照於西壁若其他乃

至無有一雄蒼蠅曾得與於斯也而  
無奈行者沙彌猶尚不曉吱吱喳喳  
惱不可言。已上三節文勢之警動  
如此不知何一儉妄來錦上添花之兩  
半闕可鄙可恨

本宣疏燒紙科云天明了也請天人小  
姐回宅夫人鸞鸞紅娘下張生云再做  
一日也好那里發付小生



勞攘了一宵月兒早沉鐘兒早響鷄兒早  
叫玉人兒歸去得疾好事兒收拾得早道  
場散了四子裏各回家葫蘆提已到曉場  
散了四子無限悲感  
又不止於張生而已

右第十一節結亦極壯浪我曾細算  
此篇結最難是壯浪

繪像第六才子書卷之四終

